

#КүшімізБірлікте

Біз Екінші
Республиканы бірге
құрамыз, Жаңа
Қазақстанды бірге
өркендетеміз!
Әр азаматқа бірдей
мүмкіндік беретін әділ
әрі дамыған мемлекет
боламыз!

Қасым-Жомарт ТОҚАЕВ.

ОРТАЛЫҚ АЛАҢ



«ЕЛ БІРЛІГІ – ЖАҢАРҒАН
ҚАЗАҚСТАННЫҢ
ТІРЕГІ»

2-3

ФЕСТИВАЛЬ



«ҚЫЗҒАЛДАҚ»

6-7

#ЕКПЕАЛ

2022 жылғы 29 сәуірдегі мәлімет
бойынша АЛМАТЫДА

I компонентпен

1 100 193

II компонентпен

1 081 115

адам вакцина салдырды

2022 жылғы 29 сәуірдегі
мәлімет бойынша ҚАЗАҚСТАНДА

I компонентпен – **9 483 123** адам,

II компонентпен **9 241 702** адам

вакцина салдырды.

Ревакциналанғандар саны –

3 938 722

KAZHYDROMET.KZ

Алматы қаласы бойынша
ауа райы болжамы
(бүгін және ертең)

30.04.2022

Түнде:

+14+16 °C

Көшпелі бұлтты,
жауын-шашынсыз.

Күндіз:

+23+25 °C

Көшпелі бұлтты,
өткіңші жаңбыр, найзағай.

Желдің жылдамдығы:
3-8 м/с

1.05.2022

Түнде:

+15+17 °C

Көшпелі бұлтты,
жауын-шашынсыз.

Күндіз:

+25+27 °C

Көшпелі бұлтты,
жауын-шашынсыз.

Желдің жылдамдығы:
3-8, м/с

МЫҢ ЖАСАҒАН ШАҺАРДЫҢ ШАМШЫРАҒЫ

Almaty

AQSHAMY

Газет 1988 жылдың 1 шілдесінен бастап шығады | www.almaty-akshamy.kz | №46 (6181) 30 сәуір, сенбі, 2022 жыл.

1 МАМЫР – ҚАЗАҚСТАН ХАЛҚЫНЫҢ БІРЛІГІ КҮНІ!

БІЗ БІРГЕМІЗ!



Жаңа мемлекетте жаңаша түлеп, ұлттар арасындағы ыстық ықыласты ынтымақты дәріптейтін Бірінші мамыр мерекесі Қазақстанда жыл сайын тойланып келеді. Бұл мейрам – қазақстандық ұлтаралық түсіністік пен татулықтың, тұрақтылықтың символы. Мемлекет басшысы Қасым-Жомарт Тоқаев айтқандай, бірлік, татулық және бейбітшілік – біздің мыз-

ғымас құндылықтарымыз. «Біз бір ел, біртұтас халық болып тәуелсіздігімізді нығайттық. Халықаралық қоғамдастықтағы абырой-беделімізді арттырдық. Біздің бірлігіміз бекем, мақсатымыз ортақ, рухымыз асқақ. Соның арқасында кез келген қиындықты жеңіп, жасампаздық пен өрлеу жолында жаңа белестерді бағындырамыз». Біз біргеміз, берік іргеміз!

8

ӘКІМ

АЛАТАУДЫҢ ӘЛЕУЕТІ ЗОР

Алматы қаласының әкімі Ерболат Досаев
Алатау ауданының тұрғындарымен кездесті



Іс-шараға 600-ден астам аудан тұрғындары келді. Алдағы уақытта бұл аумақта 8 мыңға жуық жаңа жұмыс орны ашылады.

4-5

ҚЫСҚА...

- Елімізде әлемдік дінтануға қатысты жиын өтті.
- Тбилисиде Абайға ескерткіш ашылды.
- Алматыда инновациялық шығармашылық орталық салынады.
- Абай, Жетісу, Улытау облыстарын құру туралы Жарлықтың жобасы Мемлекет басшысының қарауына енгізілді.
- Биыл орта білім беру мекемелері оқу жылын 25 мамырда аяқтайды. 26 мамыр мен 17 маусым аралығында жазғы мектептер ұйымдастырылады. Каникул 1 қыркүйекке дейін жалғасады.
- Негізгі ҰБТ-ға өтініш қабылдау басталды. Ол 14 мамырға дейін жалғасады. Тестілеу 16 мамырдан 5 шілдеге дейін. Тестілеу уақыты – 4 сағат.
- Талапкерлер негізгі ҰБТ-ны екі рет тапсырып, үздік нәтижемен гранттарды тағайындау конкурсына қатыса алады.
- ҰБТ кезінде компьютер экранында калькулятор, Менделеев кестесі және металдардың бірқатар белсенділігі қосылған тұздың ерігіштігі кестесі қолжетімді болады.
- Үміткерлер тестілеу аяқталғаннан кейін 30 минут ішінде апелляцияға бере алады. Сертификат апелляция туралы шешім қабылданғаннан кейін тестіленушінің жеке кабинетінде қолжетімді болады.

www.almaty-akshamy.kz

ГАЗЕТТІ ЖЕТКІЗУ БОЙЫНША ШАҒЫМДАР БОЛСА,

«Қазпошта» АҚ Алматы почтамтына

259-88-99 (ішкі 20500, 20018) телефондары бойынша хабарласыңыз!



9 772223 237006 >



ҚҰРМЕТ

ЕҢБЕК ЕСКЕРІЛДІ

Досбол
АТАЖАН

Кездесу барысында Дәурен Абаев жас суретшіге алғысын білдіріп, шығармашылық табыс тіледі.

ҚР Мәдениет және спорт министрі Дәурен Абаев кәсіби суретші Әсел Бекжанға көркемөнер мен мәдениетті дамытқаны және насихаттағаны үшін Қазақстан Республикасы Президентінің Құрмет грамотасын табыс етті.

Әсел Бекжан – портретші, өнертану ғылымының магистрі, «Таңшолпан» халықаралық тәуелсіз әйелдер қорының мүшесі, түрлі халықаралық көрмелер мен конкурстардың қатысушысы және жүлдегері.

Айта кеткен жөн, газетіміздің алдыңғы нөмірлерінің бірінде алматылық суретші қыздың Instagram парақшасына Кенесары ханның суретін тың тәсілмен қалай салғаны туралы баяндайтын видеосымен бөліскені туралы хабарлағанбыз.

ҚЫЛҚАЛАМ

СҰЛУЛЫҚТЫҢ БАСТАУЫ
Өнер музейіндегі өзгеше көрме

Әбілхан Қастеев атындағы ҚР Мемлекеттік өнер музейінде «Сұлулықтың бастауы» атты Ботагөз Нұрпейісованың жеке мерейтойлық көрмесі ұйымдастырылды.

Ақтолықын
ТҮРЛЫҒАЗЫ

Экспозицияда автордың 80-нен астам көркем және графикалық жұмыстары ұсынылған. Отанға арналған сюжеттер ерекше шынайылық пен жылудыққа толы. Ботагөздің балалық шағы Павлодар облысы, Набережный ауылындағы Ертіс өзенінің жағасындағы көркем жерде өтті. Сюжеттер еңбекқор ауыл тұрғындарының өмірі туралы баяндайды. Әке мен ананың портреттері ерекше махаббат пен ризашылық сезімімен боялған. Шығармаларында батылдықтың толы, жарқын болашаққа ұмтылған бақытты балалық шақ туралы ноталар байқалады.

«Ботагөз Нұрпейісованың туындылары автордың үлкен талантын, терең философиялық дүниетанымын айғақтайды, мұны Үнді тақырыбына арналған жұмыстар топтамасынан анық байқауға болады. Оның кескіндемелері жарқын, қанық түстермен, айқын қарама-қайшылықтармен сипатталады», – дейді көрме кураторы Наталия Баженова.

Экспозицияда ұсынылған туындылардың ішінен Қазақстандағы «Бхаратанатям» алғашқы және жалғыз Үнді классикалық биінің кәсіби орындаушысы Қазақстан Республикасының Еңбек сіңірген өнер қайраткері – Ақмарал Қайназарованың шығармашылығына арналғанын көреміз. Ақмарал Қайназарова мен Ботагөз Нұрпейісова өз шығармашылығында қазақ және үнді мәдениеттерінің дәстүрлерін үйлестіріп, жалпыадамзаттық құндылықтар саласындағы біріктіруші қағидат рөлін атқарды. Ботагөз Нұрпейісованың туындылары автордың үлкен талантын, терең философиялық дүниетанымын айғақтайды, мұны Үнді тақырыбына арналған жұмыстар сериясынан анық байқауға болады. Үндістанға деген махаббат «Огонек» журналының беттерінде суретші Николай Рерихтің суретін көрген кезде пайда бола бастаған. Содан кейін суретші болу арманы орындалды. Ондаған жылдар өткен соң, Н.К.Рерихтің құрметіне орай көрме ұйымдастырып отырған жайы бар. «Бұл естеліктер бала кезімнен маған ерекше қымбат. Үндістанның қасиетті жерлеріне жасаған саяхаты маған ерекше шабыт берді. Осынышама тұмса табиғатты сурет беттеріне түсірмеу мүмкін емес», – дейді суретші.

Ұстаз бен шәкірт арасындағы қарым-қатынастың құпиясын ашағын «Көпірде» картинасы өзінің философиялық мазмұнымен таңқаларлықтай. Оған «Майтрея» картинасы үйлесім берген, онда әйелдің Құдайға сыйынуы бейнеленген. «Осыдан үш жыл бұрын мен Үндістанның солтүстік-шығысындағы Сикким штатына бардым. Бұл сапарым маған көп нәрсе берді. Суреттер арқылы мен осы таңғажайып елге барудан алған әсеріммен бөліскім келеді. Біздің еліміз отыз жылдан бері дипломатиялық қарым-қатынасты сақтап келеді. Бұл достық одан әрі нығая түседі деп үміттенемін», – деді Ботагөз Нұрпейісова.

Көрме 2022 жылдың 18 мамырына дейін жалғасады.



ЖИНАҚ

КҮЙ-ҚҰДІРЕТ

Құрманғазы атындағы Қазақ ұлттық консерваториясында әйгілі күйші Дина Нұрпейісованың «Әсем Қоңыр» атты күйлер жинағының тұсаукесері өтті.

Кітап ҚР Спорт және мәдениет министрлігінің арнайы бағдарламасының қолдауымен жарық көрді. Айтылған күй жинағының шығуына Қазақстанның еңбек сіңірген қайраткері, профессор Карима Сахарбаева жетекшілік етті. Мәдени шараға Ғарифолла Әнес, Мереке Құлқенов және өзге де зиялылар, халықаралық конкурстардың лауреаттары және дайын күйінде зерттеушілер мен күйтанушыларға, ізденістегі жас күйшілерге ұсыну. Іс-шара кітап мазмұнына шолу жасайтын таныстырылымнан басталды. Жоба жетекшісі Карима Сахарбаева кітаптың құндылығы жайлы пікір білдірді:

– Міне, бүгінде Ахмет Жұбановтың бірегей ерлігі, сонау Астрахань



жерінен күй өнеріне құбылыс тудырған, құдіретті күй атасы Құрманғазының төл де сүйікті шәкірті, 76 жастағы күй анасы – Дина шешейді, оны білетін композитор Смағұл Көшекбаевты жібепіт алдыртуы, қасиетті өнерімізге теңдесі жоқ рух, жарқын болашақ сыйлады. Жинақтың негізгі мазмұнының діңгегі де, академиктің көлемді мақаласы, – деді профессор.

Кітаптың ресми тұсаукесері өткен соң, Құрманғазының «Қайран шешем» күйі, Дина Нұрпейісованың төл күйлері мен күйшінің жеткізіндегі халық композиторларының туындалары орындалды.

Дос МҰРАТБЕКҰЛЫ.

БІРЛІК КҮНІ



1 МАМЫР

Қазақстан халқының
бірлігі күні

БІЗ БІРГЕМІЗ!

(Соңы. Басы 1-бетте)

Қазақстанда тәуелсіздік таңы атқаннан кейін бұл мерекенің таным-тағылымы өзгерді. Жыл сайын атаулы мерекеде отандастарымыз, еліміздің барша халқы кең көлемде қазақтың киелі қарашанырағындағы береке мен бірлікті, бейбітшілік пен ынтымақты дәріптейді. Мерекенің ең бір жарқын да, жасампаз көрінісі – этномәдени көрмелер арқылы түрлі мәдениеттер тоғысып, рухани құндылықтар ұлықталады.

Биылғы Бірлік күнінің мән-маңызы ерекше. Жаңа Қазақстанға бет алған тұста, жаңа мемлекеттік модельге, мемлекет пен қоғамның өзара іс-қимылының жаңа форматына көшу жолында бұл мейрамның алдағы уақытта да күллі қазақстандықтарды ынтымаққа ұйытатын мерекелік мәртебесі ұлықтала береді деген сенімдемиз.

«Ырыс алды – ынтымақ» дейді дана халқымыз. Бірлігі бекем елдің береке-бірлігі, ынтымағы Әділетті Қазақстанның темірқазығына айналмай.

Қазақстан халқының бірлігі күні құтты болсын!

«АҚШАМ-АҚПАРАТ»

КИНО

БІРДЕН ЕКІ МАРАПАТҚА ИЕ БОЛДЫ

Қазақстандық «Сержан Братан» сериалы АҚШ-тағы Stareable Fest LA фестивалінде екі марапатқа ие болды.

Сериал 2021 жылы шықты. Сюжеті бойынша алматылық рэкетир команда 23 жыл жатып, кенеттен оянады. Ол 2021 жыл болғанын түсінеді. Айнала танымастай өзгерген. Ол жаңа жағдайға бейімделіп, отбасымен тіл табысады. Полицияда жұмыс істейтін қызы және блогер ұлымен әкелі-балалы қарым-қатынастарын орнатуға тырысады.

Бас продюсері Қуат Садықовтың айтуынша, «Сержан Братан» сериалының осындай жетістікке жетуіне екі маңызды фактор әсер еткендігін атап өтті. Сериалдың оқиғасы Stareable Fest LA фестивалінің қазылар алқасын ерекше сюжеті және түсіру сапасымен қызықтырды. «Сержан Братан» сериалының идея авторы, сценаристерінің бірі,

режиссері әрі продюсері Әлішер Утевтің (The Rocket Stories) жұмысы Best in Directing аталымы бойынша марапатталды. Веб-сериал 2021 жылы көрермен арасында ең танымал әрі сүйікті жобалардың бірі болды. Қазіргі уақытта 12 сериялы туынды 80 миллионнан астам қаралым жинап, оған 70 мыңнан аса пікір жазылған. Қазақстаннан бөлек жоба Ресей, Қырғызстан, Украина, Өзбекстан, Беларусь, АҚШ, Оңтүстік Корея, Германия және Түркия көрермендерінің назарын аударды.

Stareable Fest деген – АҚШ-тағы тәуелсіз теле және веб-сериалдардың жыл сайынғы ең беделді фестивалдерінің бірі. Stareable Fest серіктестерінің арасында Disney, HBO, BBC America, Warner Bros. Entertainment сияқты кино және телеиндустрия саласындағы жетекші компаниялар бар. Биыл Stareable Fest-тің қазылар алқасы қазақстандық жобаны ерекше атап өтіп, сериал авторларының жұмысын екі марапатпен жоғары деңгейде бағалады.

А.ҒАЛЫМҒАЗЫҚЫЗЫ.

ЖҰМЫСПЕН ҚАМТУ

Алматыдағы Халықаралық ақпараттық технологиялар университетінде ақпараттық-коммуникациялық технологиялар саласындағы бос жұмыс орындары жәрмеңкесі өтті.

БОС ЖҰМЫС ОРЫНДАР
ЖӘРМЕҢКЕСІ

Жәрмеңкенің мақсаты – мамандарға мұқтаж жұмыс берушілер мен жұмыс іздеген түлектердің мүдделерін жақындастыру және жас мамандарды жұмыс орындарымен қамтамасыз ету.

Бос жұмыс орындар жәрмеңкесін Халықаралық ақпараттық технологиялар университетінің ректоры, Басқарма төрағасы Асқар Хикметов ашты. Шараға жұмыс беруші ақпарат-

тық-коммуникациялық компаниялар өкілдері мен жоғары оқу орнының ұстаздары мен студенттері қатысты. Жәрмеңкеге барлығы 30-ға жуық мекемелер өкілдері келіп, әрқайсысы сала-сала бойынша ақпараттар беріп, болашақ мамандарға өз мүмкіндіктерін ұсынды.

Ж.СЕЙТЖАНОВА.